

白王朝經世文新編

函一
十二冊
函

皇朝經世文新編卷一下目錄

通論

以愛力轉國運說

論今日中國當以知懼知恥為本

中國自強策上

中國自強策中

中國自強策下

與八旗諸君子陳說時局大勢啟

論今之時局與戰國太異

中國論

論世變之亟

支那辨亡論

救亡決論

國朝六大可惜論

論中國之衰由于士氣不振

論中國不能變法之由

論中國守舊黨不如日本

地球大勢公論總序

總論亞洲

中國盛衰關於地球全局

地運趨於亞東論

歐亞氣運轉機論

汪康年

汪康年

汪康年

汪康年

汪康年

壽富

何樹齡

活人薄柳附

闕名

闕名附

闕名

韓文舉

康同薇

張壽浩

劉楨麟

徐勤

徐勤

徐勤

劉楨麟

張壽波

論地球全局動力
論歐洲政治

英人關名附
關名附

通論

以愛力轉國運說

汪康年

國者何也以其能自完固也質點相切而成物若未受空氣之改變而質點未相離則同類之物必無能損之理若金類然必已鏽蝕而後見殘於同類之金否則必有刃而後能鏽蝕之也若木類然必已腐朽而後見殘於同類之木否則必施以剝削而後能鏽擊之也惟國亦然與他國同立於地球之上而獨見弱於他國則必其本質已有內離者矣內離者何失愛力是也夫起於相忘者終於相絕起於相愛者終於相成是故農與農相愛則通力合作轉相告語凡播種耕土可以新法行之矣工與工相愛則居肆成事互相歡勉凡購器造物事事可仿製矣商與商相愛則集資易廣謀事易就凡公司行棧可如林而立矣士與士相愛則得失相較善否相示凡置書立會可並時而起矣官與官相愛則善法相告過失相救凡興利除弊之事可一旦行之矣疆臣相愛則救災捕盜設防治水之政不分畛域而彼此形跡之見可盡除矣卒與卒相愛則勝相讓敗相救而失任棄軍之事可免矣將與將相愛則進止攻守互相應援而無彼此不相顧之患矣若夫上惟愛其下也則恩威互用而下必不忍散其上官惟愛其民也則寬猛相濟而民必不忍疾視其官將惟愛其卒也則賞罰平均而卒必不忍輕棄其將且以全國之愛力愛其君則君益尊以全國之愛力愛其國則國益固以攻則克以戰則勝以守則完相愛而後能相羣相羣而後能相固是以愛力生強者也

夫責國之強必求器械之利士卒之勇將帥之武糧糈之足然是四者咸強國之末務也非本務也鷹之驚由於嘴爪然安嘴爪於燕雀必頓失其驚則以嘴爪是也其所以用此嘴爪者非也鷹之全體固皆與嘴爪稱者也犀之猛由於齒角然使安齒角於麋鹿必頓失其猛則以齒角是也其所以用此齒角者非也犀之全體固皆與齒角副者也然則不以全體之愛力生強而但求強於整軍經武得乎項羽百戰百克而卒見滅於漢則以項羽之愛力不如漢也竇建德王世充之徒非不足以抗唐也而愛力不若唐則卒併於唐故英之保黨公黨設心不同而其為英則同美之共和黨合眾黨議論不同而其欲富強美則同普已蹶而忽興法將亡而復振以國勢雖夜而愛力如故也蓋惟其相愛也則必求所以相存求相存則必求所以自強是故農夫荷耒執鋤之時工人審曲面勢之時商人操奇計贏之時雖各營其私而心思所注射咸在於國難以偏貨販賣之微咸不敢以國事為後於是必思所以旋轉此國事者必思所以改革此政法者必思所以監察此用事之人者如此則雖欲不

強不可得矣

夫相愛也者非僅相愛而已也有相愛之意則行事相勸利弊相告進止相助艱阻相扶過相隱善相稱得相賀失相矜成功相期同類相助如此則不期成而自成矣相忘也者非僅相忘而已也有相忘之意則行事相阻利弊相隱進止相撓艱阻相傾過相訐善相誣得相惡失相幸成功相忌同類相離如此則不期於絕而自絕矣然則察善敗之由審勸道之宜有國者宜何從焉

中國迭更艱阻而猶晏然無振作之意說者謂其守舊法也謂其多掣肘也謂其意見之歧也吾以為由於不相愛也其仕者以為我惟求數行抵塞終身不失官而已違恤其他士以為我工制舉業即足以自進何必勞心於他學商以為我得新法當以自利何故公之人工以為有利便之法宜秘不示人富者以為他人之危急無與於我何必勞心以為人是以通商數十年來坐視強族之逼處國勢之危險利權之全失而未有共謀一事特創一業以開惟新之景象者公司屢創而屢蹶商會雖有而如無至若學會公會則尤未有見端蓋西人之事皆賴衆人之心力而後能成之而中國則斷無合衆人之心力以成一事者嗚呼愛力之失人心之亡也人心既亡欲求國勢之能振將何所必乎

今夫中國之人不能食於故土流離海外幸而成立又不得保護有被侵奪於他國者如此則失愛力於我之旅民矣編戶之民賦稅未缺平居則官吏侵擾過當饑饉則任其轉徙而莫或過問如此則失愛力於我之居民矣工商以其巧力糊口而釐稅無定章保護無定法以致折陷亡貝無算如此則失愛力於工商矣隸名卒伍無事則剋其名糧有事則驅之前敵罷歸則任其流徙甚有為丐盜者如此故所愛力於武士矣士讀書求官然濫其取而狹其入官之途有窮老不能自存者如此則失愛力於士子矣求俊秀之人行之海外而實之學學成則不復問使求食於他國如此則失愛力於學人矣嘗以質藉得策名仕版然屢改其銓選之方又不思所以維繫之以致不能活八口則失愛力於入仕之人矣有位於朝者既已委之事而寵之官然祿不足以給其養使不能無他營如此則失愛力於在朝之人矣用是之故有權藉者專為欺蔽侵漁而不顧其上富者軍懷金待寇而不肯以資軍實士以不與外事為賢良民以苟免為得計甚至比隣不相知聞北方鐵冠而南方鐘鼓貧賤之人聞富貴者之傾覆則引為慶幸同國之人而相待乃如此環顧全球諸國未有如是者也

夫愛力甚者先自愛其國內其國而外諸夏內諸夏而外莽狄春秋之義也是以春秋內大惡諱內大夫卒日凡以殊異於外也孔子曰不愛其親而愛他人者謂之悖德然則不愛己國之人而愛他國之人者獨不為悖乎然而今日之事有異於此西

商正稅值百抽五華商完釐則有例內之追求有例外之苛索西人日用物皆得不稅華人仿造乃復從而徵之華船挂洋旗則遇關卡無敢過問華店用西商牌號則雖越禁輪制無所妨礙華商託西人報關則無羈滯之苦反是則留難訛索將不可言狀延請西士不惜重金禮聘華人即才技與相齊等亦必薄其廩餼異其禮貌購物於西商惟所取求不敢與價目若于兩肆則百端吹求必欲抑價短值而後快甚至有俟其折閱而冀其賤售者夫如是是驅舉國之人而使有外心也夫有外心則無內矣

夫以是解散渙釋之心而欲使成事是必一人可為之事而後能成也若多至二三人則不能成矣又多至千百人及億兆人則愈不能成矣今使開行棧立公司皆千人以上練軍旅飭捕務皆萬人以上設學會建議院皆億兆人以上然而以彼此不相顧之人處之縱使明立規條選用賢哲亦必俄頃之間變故紛起局內則自相忌嫉局外則互相疑阻始而意見各執繼而彼此傾軋終且推諉避嫌而置正事於不問以軍則不武以財則不富以商則不能擴充以工則不能新異是何也以其不相愛也不相愛則相爭方自相敗壞之不暇何暇為集事計然則有國者必行其愛之之心盡其愛之之實以生其相愛之意於是相切愈密相附愈堅可以致富可以致強舍是則何以焉

論中國當以知懼知恥為本

悲夫微歟今日之事也何悲焉悲失權也失權焉者非全舉一國之權而一時盡失之有積漸而失之者有不覺而失之者且不特上失之下亦失之不特官失之民亦失之至今日則已情現勢迫矣顧猶不知為失權也但微覺轉動不便而已嗚呼豈知我之吮已盡為人扼我之背已盡為人拊哉是故租界開而我失割地之權公堂設而我失用法之權西官治租界有專權而我失治民之權各國兵船可任意駛泊而我失口岸之權墨銀通行各埠中國銀錢不能一律行使而我失制幣之權西法賦稅重其入而輕其出我則反是則失稅權西法兩國之訟用刑從其輕者我則西人從輕比中人從重比則失刑權公法不得與在他國之利益不得均霑則失立國之權至若教人養人之權中國不力主持亦漸為所侵竊甚且漸奪我用人之權又且奪我論議之權等是下之必至奪我志意之權及其生命之權夫與他國共立地球之上而中國地大人眾又為各國冠而蹉跎賸越一至於此嘻吁甯不懼歟

西人之所以賡削怵嚇我中國者以兵商為大宗而其所以羽翼兵商者尤能堅忍刻苦聯絡黨類希希星散於人之國中彼將力護其從我者而深斥其不從我者貴人能扶己者深獎譽之其異己者力毀謗之借己之國勢以壓人之官長復借官長

之勢以壓齊民夫如是故吾國利弊纖息盡為所得而從者益眾彼又能取其國之善法以教養人不數年則才人學士將出其中且我民有為所長養者有為所生全者方感激效死之不暇而我民猶寬然宴嬉謂彼之說何足動人彼之為此者特為謀食計耳豈知彼之設心立法上之則欲執人之國權大之則欲制億兆人之死命逮至彼勢益盛方思起而謀自立之策則人聯絡而我散漫人堅忍而我疲脆彼欲去我若風之振槁嗚呼不自立而坐以俟者其效固必至於此也

始西人至中國猶震其風名以為聲名文物之所在也已而察其政見其紀綱弛紊而不理過其野見其阡陌零亂而不整行其途見其道路污穢而不潔遇其貴人則情勢憤然遇其士民則事理昏然於是彼以為可肆意相待者莫是若矣是以凡要挾誅求不能以待他國者獨能以待中國凡偏苛之令不能待他國之民者獨能以待中國之民於是有藉一案而求償金數倍者因一事而請改約章者華人殺西人則官革職誅西人而若此則百不治一華人負西人債誅索不止其身西人而如是則一聽其官之所擬甚至愆期失約同一事而治之不同蓋彼見我官之輕其民也固謂我民之可以輕矣見我兵之擾民也固以我民為不妨擾矣見士民之侮其官長也固以官長為可侮矣見我民之互相擠排互相爭奪也固知我民無相顧惜之心矣故雖西人之教素尚公平而卒至若是者蓋以為待中國人則應如是也

西人善於經商所至之地輒能握其利權中國商人心計之工何據讓西人然而稅務一層西人固已不費絲毫心力而操贏絀之大權矣我華商見利則羣趨而不思其後之難見害則捷避而不顧其徒之敗西人諗其如此故以整御散以堅敵脆以素嫻拒新習彼集公司則資本重大我則皆獨立也彼聯聲勢則消息靈通而我則隔絕也是以我雖行店林立而實則零碎湊集拾西餘剩受西挾制而莫可如何也

華年初見西人咸懷惡怒之心至今日則惡怒之心一變而為信畏矣夫不問是非曲直而輒以惡怒之心待人非公理也至若不信畏己之人而信畏他人則尤異矣夫中國商雖未盡可信然錢莊滙號固不亞於西人也而今則富貴人之金多託滙豐矣修造輪機中國非不能為也而今則購辦之人必託耶松矣同一器皿而必以鑿洋行字者為貴同一貨物而必以來自西土者為佳西人相詎非謂西人器物實能與若夫亂兵肆橫非口舌所能喻也乃亦觀西人而歛迹差役恣暴非禮讓所能禁也乃亦見西人而輯威無怪聞公使之驕橫而駭汗橫流遇西兵之嚴整而聞風遠避然則我民益亦深惡致此之由而思所以處將來乎

然此非一二人之懼而我中國四百兆人之公懼也非一二人之恥而我中國四百兆人之公恥也然則整頓之策但袖手而

善於上之人可乎整頓之策奈何曰相酌其利害革其政士益其學商擴其業工精其物如是而已吾意自去年以來必有大改其故轍以曉示天下者貴者必將率協其權力以提挈萬網富者必將率委其資財以創新萬事士必思力索新學商必將共立公司工必將仿製新器報館編設於各省學堂林立於列縣雖未觀維新之全模而士氣之奮民心之明將於此見之矣夫四隣環伺不足懼大變當前而怡然無所動斯為可懼也割地償款不足恥維新有機而懵然無所知為可恥也今內之則敷衍銅餒之見未嘗化外之則賡緣酬應之習不能免官書局奉 旨重開矣而未敢昌言也學堂奉 旨設立矣而未見定章也報館已奉 旨允准矣而未見廣設也每議一事而部臣諉之疆臣疆臣諉諸紳士俄而以無款中輟矣每定一法則下屬俟諸長官長官決於內臣俄而以難行中止矣甚至駁行小輪則釐局阻之機器製造則重稅苦之推之學術商務工業未嘗有一事足當維新之目者詩曰不懌不懌百祿是總今之君子可謂不懌不懌矣

今使朝廷之臣相率而議必敝之政有司之官相率而發必阻之令舉國之人相率而治必廢之業商盡心開必閉之肆工竭力作不售之器聞者鮮不以為笑矣願觀於今則幾於是也然則今之人何異於舉手而自擊舉足而自蹴也然則今之人所作所為何異於自棄絕也彼豈甘於如此哉一則由於不相顧一則由於不敢為實則由於不能深知時勢之必然而姑與苟安而已且貧賤之人必曰我謀衣食之不暇何暇慮此然則當求諸富貴人矣貴者且曰我一人竭力何所補不如及時括積為子孫計富者且曰此他人所患耳我富人何慮此況他人固以保富為事者我方不失顯榮嗚呼蓄志如此固無怪其如是矣

夫使果如富貴人所料則苟利於己雖大局移易何害雖然此豈果可得之數乎夫以他人為可託而怡然以待其來此不仁之甚亦不智之甚抑知彼將不以顯虐而以暗傷不以驟變而以漸減刑則異律官則異舉禮則異施商則異稅限其權利苛其禁防而意外之波累尤不可逆料我民亦盍按切事勢而一思之乎若以是言為妄誕也則亦已矣若猶謂有萬一之當也則盍羣天下之心思才力而急籌之乎

中國自強策上

汪康年

事至今日危迫極矣挫於倭迫於俄侮辱於英教案蜂起回匪蠢動兵變民變之事不一而足而瓜分中國之說西報屢載之西人屢言之雖至愚之人亦知其殆然而廟堂無定策中外無定議舊弊未一除新猷未一布則非安於不為即以無策也夫安於不為則無論矣以為無策尚未然也夫中國在今日猶以一羊處羣虎之交曾不足以累其小牙然而不運動者羣雄

角立未有所歸故艱於發難又無端戕人命敗商務又西人所不欲為故猶遲回以待之我苟能自振則西人之於我亦猶其於日本耳惟我永不自振則彼惟恐為人所得必將爭先以取之然則我國振興之政不於今日則無及矣夫中國利之宜興弊之宜除誰不知之而卒無定論者蓋食於弊者太多則必多為之說以亂之多出其途以撓之蓋非不明不強之患而由於權無所歸則無人焉為發光與力之地也夫 國朝承明之後懲於擅權朋黨之禍故執政之臣名曰軍機大臣人多而權不一但能唯諾於上前而不能堅持其意也但能恭擬 諭旨而不能自發號令也然則苟欲聚其權以辦庶務舍立相其由與顧今日而驟然立相竊恐但有牽掣阻礙之苦而無行權決策之效則非先立議院不可矣或曰立相則不免擅權之慮開議院則權在下且散而不合從滋論議於事非便不知有議院以與相相持則相不能擅權議院之人多矣且有議事舉人之權而無行事之權雖在下何病又議院論雖不一西例必擇其多者從之何異雜之患且凡事初行必多滯畧要在隨時審正耳若其成規則西人之議院章程可擇而行也至於開辦維新之政則有三大端焉一曰齊天下之論今天下之論至不一矣政府不擇而用之或朝暮更易或南北互異必當論定一格以便施行二曰慰天下及各國之望維新之政中國望之不應則離西國望之不應則侮宜明詔天下以舍舊從新之故而與各國立力保太平之約並方便予以權利且聘其賢豪與之參定法制則中外始有更新之望矣三曰安天下官吏士兵之心維新政行則宗室旗丁冗員士人胥吏軍士皆有失所之慮始而以言語相煽惑繼而以全力相阻撓宜預籌安插之法宗室旗丁除作官當兵外或與以利益或弛其禁防新政立之官除總理之人必拔用能者其餘仍以舊官依班補敘學校新設必十年方能選用則從前士人在十年之內仍可補官胥吏軍士汰贖者可補充諸役如此則各人無失業之憂即新政無阻撓之患矣然此但言開辦之大要而未及其所行之事也

中國自強策中

中國自古獨立於亞洲之中而其外皆蠻夷視之素以君權為主務以保世滋大為宗旨故其治多禁防遏抑之制而少開拓擴充之意君恐臣之侵其權故不使之有纖毫之權恐臣下之結黨故務散其黨盡掣之使不得行其志錮蔽之使不得極其聰以天命怵之以鬼神懼之臣下承之以諱飾為能以敷衍為工以趨避諉卸為巧其於民也但以壓制欺嚇為事無復有誠意以相孚故吏習於弊混民安於刁戇士成於陋劣兵貫於譁潰其齊民皆以閉戶不與外事為秘策以積財遺子孫為得計故上下之大弊不出四事曰徇私曰愚直曰崇虛曰耽逸循習至久全國之民皆失自主之權無相為之心上下隔絕彼此相離民視君父如陌路視同國若途人夫民之弱與離君所欲也積至今數千年乃受其大禍然則至今日而欲力反數千年之

積弊以求與西人相角亦惟曰復民權崇公理而已其於官也汰冗職刪儀官使官各有事其教人也必使為有用之學毋誤用其聰明其選人也必使以所學為其官毋使用非所學其升補也必依其本職毋使朝此而夕彼其用人也厚其俸過則責故則斥勤奮則升遷而遞加其俸終身無失業之虞其定律也依罪為斷必求可行無虛設之律無難行之刑其罪人也訪緝密而治之寬其讞罪也稽罪而盡其辭其取於民也各以其貲占稅毋倒置毋苛索其理財也使財歸實用毋糜於虛文毋漏於中飽昔之重文而輕武者今必使文武並重昔之優文士而輕吏治者今必以吏事為急汰繁重以求其速捷去虛文以責其實效則矯誣不實之談斥虛偽無理之事尚創作而賤安閒尚改變而賤守常以能開利源為能以能創新學為優民生必求其宣達士氣必求其振奮昔之不使民與國事者今必與之共治昔之使民安於愚弱者今必使之極其明強務使內之權力在足與外人相抵夫如是或可徵倖與各國相持然此但言其治道宗旨所在而未言辦法之實也

中國自強策下

請實言辦理之法今使上赫然下明詔告天下以力圖自振之故而使士民之明秀者互相舉為議員使至京入議院而使中外大員自三品以上俱入上議院議院既立則立相以總內外之務立戶部以掌財用之出入立刑部以掌天下之獄訟及巡捕之事立商部以興商賈並掌稅則及考察工作物產之事立農部以教種植立外部以理交涉之事立兵部以掌兵事立工部以掌營造之事立郵政部以理道路河渠輪車輪船郵遞之事立民政部以掌各處地方之事立海部以掌海軍之事立教部以掌學校之事俟議員舉定相臣則由相臣自擇用諸部大臣及各省之長大臣及長又各舉其屬而皆決於議院十年之後則議員及各官皆取於學校如西國之法設吏治局於京師徵天下賢能之吏使學習治法而分派之於各省以教諸地方官十年以後亦皆取之學校各省提鎮選於兵部而提鎮又遞選其屬十年之後始取之水陸武備學堂外部及出使大臣必取精西文通西事者十年之後始取之使才學堂京師立各種學校精選中西之能者教之以遞及於各省府州縣十年之後始取之師範學堂堂相與各大臣既舉定則遣使與各國立力保亞洲太平之約而大改上下內外之體制務從簡易悉去趨踰拜跪之節復立憲報館凡新政改革之意及中外交涉之故悉載之各種振興之政乘時並舉且捐納停冗員裁調濟安插之途廢資格班次之說止既無無事之官復無無官之事局中之人可因官以展其才局外之人可因事以責其效則職無不舉矣一事一官既無旁貸之方一官一事又無叢脞之慮則人勤於職矣在事之人有治事之權事外之人有監察之權而又有議員以鉗制之有日報以舉發之則官邪息矣厚俸祿而革陋規入官之日予以裝錢辭官之日予以恩俸或給終身或逮子

孫辦公有費登程有資則人興於廉矣改衙署之制速咨稟之法汰應酬之煩刪迎送之禮則官敏於事勤於察矣省府州縣各設議員以與官相抵官不能專其事則民困蘇矣因其事以設之官因其官以為之學因其學以定所取入官之後非罪不斥心不枉耗才不虛糜人無失所官不易方則人知專所學矣取士多途學堂編設由都會以及州縣由州縣以逮鄉閭人無廢才才無滯用則人勤於學矣釐定文字使歸淺近多撰教化之書使人易曉而編設義塾教堂以教齊民則尋常之人皆可讀書明理矣凡刊刻書籍由官准駁其便用者准其專利則要用之書不日可得矣嚴戶口之冊定鄉里之制產業生死婚姻必注零戶必禁城鎮無雜處之虞鄉里無散居之慮而又偏設巡捕並設包探則通逃清邪民無所匿矣律法從平無有偏頗重則絞殺輕則禁罰則罪易辨而情易得矣刑官治獄不兼他事復有會審以察其虛誣有律師以伸其辨說無刑求之苦無拖累之患則枉濫息矣吏皆有祿役皆受緝既無藉口之資即無婪賄之弊如此則獄訟易矣有不平教者輒禁錮終身動其羞恥嚴其禁防則人恥於為非矣平道路滄江河開鐵軌通電報招商以成之借債以足之且路燈自來水在在設立使往來便捷消息靈通則用兵賑災經商行旅便矣礦務開銀行設然後鑄金銀銅三等之幣齊其輕重又製鈔票而禁兌換銀錢之店以便行使稅餉出入一律行用三年之復度新幣已足則悉禁舊錢則錢法行而人便於用矣製鈔幣立銀行正稅則嚴中飽則國用可足矣立商部定商制嚴賠償之法定詐騙之條除釐稅之苛捷水陸之途考求各國之物產察勘各地之工作內江外海准行輪船能糾合公司者獎之商之成本重者許其專利則商勸矣能效法泰西製造各物者賞之並許專利能以新法製器者給以功牌則工勸矣稅以資算富重而貧輕稅以息計商多而農少蓄洩有資種植有法則民勸於田畝矣停無用之武試開水陸學堂今凡能武事者不與齊民齒則人競於武矣精選而厚其餉嚴教而重其防老休則廩以終身戰死則恤其子孫則兵皆能戰而平時不敢滋事矣防兵周於水陸兵將悉由考試定平時遣調之法定臨事招募之方炮械必精雷艦必備醫藥必贍兵法既嫺軍律尤峻則武備嚴矣釐定祀典公私無名之祀悉行停止一切虛誣術數之說皆不得行則邪說息而正務舉矣設報館以達民隱凡中外交涉選舉獄訟報銷悉由官登之報新理新法及一切民間之事及其冤抑無不可登報則上下之情通矣定齊民之等級以有能者為上有業者次之游惰為下則民勤於所事矣而又設輿圖局以測全國之形勢設繙譯館以收各國之書籍設製造軍火局以給軍用如此行之十年國以富兵以強始可收回已失之權利除租界之法改進口之稅定管轄異邦人之制而與泰西各國相抗衡若夫施治之宜敘次之方漸舊交替之法則當俟辦理之時議之非一時所能決也

與八旗諸君子陳說時局大勢啟

壽富

嗚呼天下大勢岌岌哉外人知之中國不盡知四方或多知之我八旗則知者三四不知者六七也我八旗世祿世官休戚與共苟非婚姻即是骨肉乃記全盛之隆規忽當前之大勢然眉不知急剝膚不知痛酣然以嬉渙然以處危哉痛乎其生以侍寵也僕家貧力微學識淺陋竊觀天下紛然思匡王室我八旗若不自勵不惟負咎君父將必啟侮四方消息甚微所關極大每顧我兄弟緊盛衰之所由謀富強之攸在通力合作各奮其才厚培根本力開盤錯終日呱呱逢人強聒取笑於守之士見病於持重之儒不敢灰心惟自隱痛念我八旗之大人人才至多世受國恩天良未泯苟知時局危急必不忍坐而旁觀用敢不避譏彈畧陳大勢願我兄弟恩祖宗立功之勤閱君父當局之苦衷身家之莫保全子孫之流離雪涕奮興起謀王室氣瀾不難強挽安危可望轉圜若驚為病狂笑其說夢一旦禍至死無以對祖父生無以保妻孥蒙恥捐生相胥及溺然後始歎填海之苦衷諒憂天之先見豈不晚哉豈不痛哉

西人比較諸國強弱中國人居第一地居第三兵船商船殿居人後願我兄弟勿恃廣土侈然以自大也

中國戎禍始於道光一敗於英再敗於英法三敗於法四敗於日本失緬甸越南琉球高麗屬國凡四割香港臺灣澎湖北徽屬地凡四無復不敗無敗不失地願我兄弟知中國為至弱之國兵力不足恃也

自和約以來入口洋稅歲有增加無窮漏卮屆六十年賠兵費者凡四我貨財之輸於外者何可勝計願我兄弟知中國為至貧之國生機將日促也

同治時德宰相畢士麻克嘗建分中國之議諸國因中國地大民衆莫敢先發自我敗於日本此設復起近日諸國議論半是此事願我兄弟知外人日日謀我中國將有瓜分之機也

中國北枕俄南接英法屬地皆以兼併為國者也東隣日本遠交近攻思食我以自肥者也不入於此則入於彼願我兄弟知介居強大中國有必分之勢也

中國貧弱無論何國覆之有餘所以相持而莫先者以英俄之強弱未定也強弱未定以土耳其未滅也土勢岌岌危在旦夕土亡將及我矣願我兄弟思分陰可惜為時甚迫無苟安以自誤也

今日百物騰貴由加稅也俸餉減或由庫乏也稅重民貧賊盜將起富者貧貧者死推其源皆由於日本之賠款也國家貧弱人人受其禍願我兄弟無身受其害而猶以此為國家之事也

俄之滅波蘭也殺人數百萬英之滅印度也殺人亦數百萬奪其財據其土奴其男淫其女日本之於臺灣也亦然願我兄弟知人人家將被此害而早圖自救也

土國之弱也由於國人偷惰苟安波蘭之滅也由於國人自私自利印度之亡也由於人心參差不齊德之興也人人有自強之心美之興也人人無自利之心人人自強國始強人不自利乃有利願我兄弟人人懷自強之心無自利以自害也中國存詩書乃可進身本朝與八旗乃為貴族國家安富家乃保貨財願我兄弟思家國之相關先謀王室之安危姑置之得失也

天心向順緬甸高麗琉球越南亡矣天不佐暴英俄法日興矣則亦強者存弱者亡矣德小國人人自奮而崛起日本弱國懼亡國存而忽強意亡國百折不回而中興人定安在不可勝天願我兄弟毋恃天命以苟安毋委氣運以自廢也

子也才父毋無凍餒臣也良君后無危亡我中國士果用命何至求和人果向學何至才乏今日之禍舉國讓之君父受之願我兄弟思君臣之義無卸責於君而自矜局外之智也

得者賜銅匠也思強其國德意智之霸圖興焉哥倫波舟師也思周大地泰西之商務成焉匹夫有志國家賴之愚者苟安懦者觀望無志者委責於人無恥者享成於人願我兄弟之貧賤者先自勵也

法之亂世家大族糊口於四方波之亡世家大族放流於荒徼自我敗於日本外國日日講兼併自我割臺灣外省處處求自強民權起大族之禍烈戎禍深大族之禍更烈願我兄弟之貴富者先自危也

章句破碎大義乖於是乎士鮮明理華藻塗飾真意少於是乎士鮮實用經有大義五倫五常史有大義治亂興亡文有實用明理紀事願我兄弟之為學者先求其大而歸諸有用也

地不一國國不一人人各有心心各有智不察列國大勢不知其邦強弱不察列國論議不知其意美惡不察列國學術不知其技巧拙是謂聾聵聵聵者侮之媒也願我兄弟廓其耳目而周知外事也

論今之時局與戰國大異

何樹齡

數理歷萬年而不變人事隨時運為轉移國勢因古今而異轍苟拘牽典籍勉強附會執舊方以療新病服夏葛以禦冬寒可謂之識時務之豪傑哉今之言經濟者擬時局為戰國目俄為強秦一人倡之百人和之其說遂若確乎而不可易彼蓋謂窮卷之儒祇能學陳軫周最蘇秦張儀之一車兩馬周流列國也好名之士祇能學商鞅吳起李悝司馬錯之辟草萊任土地富

國強兵也嗚呼誤哉環球之面百國立焉鐵路縱橫若縮地焉輪舟絡繹混天暫焉電線迴繞化吟域焉東西南朔若門庭焉朝發夕至近於鄰魯何以游說之士不復見於五大洲也堅甲利兵過於秦楚何以戰陣之禍不輕發於諸大國也何樹齡曰昔戰國之政出自君王今歐洲之權在於議院君民之趨向不同而古今之世變懸殊矣

粵諸進魚刺軻獻地若非仇國即屬宗人品位相敵妒忌乃起今則尼希利之私會結自編氓墨斯高之學生囚於國圖此異於戰國者一

合縱連橫為盟主者必屬秦楚珠璣玉敦執牛耳者未聞鄰婁弱肉強食小國大役天下一是振古如茲今則英俄德法共盟於瑞士之京后帝皇王來同於鄉老之地此異於戰國者二

召陵之會蔡衡爭先黃池之盟晉吳爭伯大小輕重楚子問鼎朝名市利張儀圖周杞宋齊魯紀年不同顛項夏商用歷各異宗周蠡蠹空有作君之名天道悠悠孰是作師之統今則定公使之班次羅馬居先數陽歷之春秋歐美相朔此異於戰國者

三

一人為剛萬夫為柔一人有智全國皆愚然後捭闔之徒妾婦之行得以蠱惑權要蠹國殃民一怒而諸侯懼安居而天下息今則議政之局謀及庶人辯難周詳集思廣益鬼谷子無以饒其舌范應侯無以投其骨此異於戰國者四

深宮九重欲伏尸二人而無可伏也國門萬里欲流血五步而無可流也雖有唐雎之勇無所用之雖有聶政之俠無所行之今則飛車出而關隘失其險炸藥出而賁育失其勇此異於戰國者五

逆君之賊與國之所惡也倡亂之民天下之所誅也今則自由之黨日本有之革命之黨英國有之以美利堅為藏身之固以歐羅巴為致命之場此異於戰國者六

韓非子曰天子愛及天下諸侯愛及其國大夫愛及其家士庶人愛及其身過於所愛者謂之侵是以路救為食米蒙曾子之襲子路施漿先受端木之責禮文是尚仁道以衰今則布德氏之施濟欲遍五洲合眾國之賑捐將及千兆以師得民以儒得民以會得民以利得民此異於戰國者七

天生五材民並用之闢一不可誰能去兵然古之整軍經武者以光耀先王之宗廟為詞今之拓地辟疆者以豐殖百姓之財產為義且古之闢者以弓闢以矢闢以車闢以卒闢闢於有象今之闢者以士闢以農闢以工闢以商闢闢於無形此異於戰國者八

既有八異經世者當翻然改圖矣不可自私懼刺客之衆多也不可自尊懼公法之損斥也敬教勸學懼為荒島野國也舍已從人懼為獨夫民賊也俯就輿情避亞力山德第二之覆轍也任言民政敬梯能飲隣國之亂黨也大同之運方長域民不以封疆之界也息爭之會可成威天下不以兵革之利也凡此數端已露萌芽培而植之易為力耳舍地球之善士而不為而欲為戰國之良臣其不為子與氏所痛詆者幾希

中國論

法人薄 柳附

薄柳氏曰中國之政治家而最有名於當世者當游歷歐美諸國洵為今世之一大奇事也苟且偷安之習忘唯我獨尊之見而經洋海萬里之程是豈尋常一樣之觀風云爾哉蓋自有生民以來變理國政之大政治家觀光於外邦者為不甚少然未有如斯人游歷之可奇者也意若斯游歷足使宇內形勢有變異乎抑使中國改革其政度文物之弊習乎其於前程果有何施設自當細論也中國立國於亞洲之東生民羣聚自古以來其思想與行為未嘗稍變徒拘泥古昔之教義禮法以為能事而蔑視外人不知方外之廣平日經萬起萬滅之變苟與其生計無關痛癢即已國情形尚懵若不知又焉能窺視他人也若極而論之則不得謂為一國之民也假稱為一國之民亦不得謂之有國民之定形也何則其內閣無統御全國之力其生民雖有災害膜不相關雖有敵國外患其生民則視若不知焉苟如此欲覺醒其睡夢以復其本然蓋為頗難也况游歷之大官其談話時總賴傳譯雖不精通歐語之從者而猶伴泰西諸國雖身在歐洲除赴王侯大臣之招宴與臨觀軍隊操練外未見其與在中國有異也查所攜行李有車與食品割烹人等又有親近擁侍左右果能看何物乎見歐美新奇之事物果以何等相視乎蓋恐未能解國家生民智能存於其間也除軍隊礮槍之外恐不見有若何觀感也昔俄皇彼得懷抱宏圖欲挽回勢運游歷歐洲與中國游歷之員全異其轍彼得在法國和蘭國之時諸遺從者單身飄零微服潤步凡已國之習尚一切去之欲以易俗移風矣其所往來定文者非王侯官吏而在工藝技術之徒彼意蓋謂王侯官吏智慮淺小固不足與談也遂專心工藝自為工匠又躬操鑄鐵之業改名為派鐵路米卡以洛夫而入殺矮路達沙造船所以習其業俄皇自習此等之業將欲於後日使西歐之人學習俄國所為也中國大員若欲知歐洲文明神髓所在則盡滅其從者與所攜帶之諸具除觀製造礮槍所外亦看各種機械工場接數百之技術家而廣其見地又盡招聘之而思所以進文明之道然後西人將言華人不止留意山器製造且注意於工藝技術西洋自是咸增警戒焉意中國大員似未嘗注意於此况如俄皇之志行尤其所夢想不到也不獨不能夢想俄皇之志行且有更甚者焉何也曰中國大員未曾思到前二十五年日本人之志行也日人嘗汲汲珠文

明之利器實使歐美驚歎而變革之疾速亦使歐美生畏懼之念矣於是乎今也自船艦礮槍至法律制度精通其神理者蓋亦不少而其二十年來所施設或簡派俊才同於歐洲入其學堂或學其言語譯其書籍或聘外人為師或編制法典惟恐文明之難及故致有今日之盛矣中國大員巡遊其左右隨從者多不通歐語行李如山而至攜帶與具食品書類等則吾人殆不能應言也嗚呼中國大員此行也咸以為中國更始之端然其所為曾不學俄皇與日人之迹則所得果安在哉歐洲諸國歡迎中國大員矣然諸國能使大員開發其知能乎使知愛歐洲之文明乎抑使長倫安姑息之念而增蔑視外人之情乎吾人不得而知中國大員抵德國時會日本山縣大將亦至伯林而德人歡遇日將不知遇中國大員之渥也其故何也曰蓋欲得大利於中國也然其效果安在哉夫中員游歷歐美猶巡行雲中極其惚恍耳意者其所觀亦未精詳深思也然則日後更革國政亦未必疾急也如前年之敗蓋覺醒中國之懶夢可無論已然謂能喚醒四萬萬之人民則未也夫四萬萬之人民不可不謂之一大國民而未若文明之國羣居人民之優何則其所謀生計皆自私而非公同也是故如中日之役知為日本所敗者蓋四萬萬人中恐不過其半且人民所居遠距戰地者或有以為中國勝日本也即能知其事實惡無愛國辭憤之心苟如此雖有人奮興欲改革政治財務豈可得哉中國本富各種之利源如煤鐵及含金鑛等物其最著者也然中國未解利用器械以為挖採焉俄人懷雄志於此非一日之故今將啟保護政策之端於中國各國所同見也今日俄國所以藉口而故為不理歐洲之紛紜者蓋欲專志於東方也況其雄志宏圖為俄人素願而將見之於事實也夫西伯利亞鐵路一事洵為俄國性命所在而其支路乃入中國之要地其在大連灣乎抑在旅順乎俄以為中國北部之指導惟在己國也意者中國亦恐失歐美諸國之歡而准諾諸國敷設鐵路於中國之內然中國亦於此間必有戒心焉中國大員既巡歷歐美然以此一行為開文明之先則誤矣何則其所見以為驚異者猶不出礮槍船艦之間至各種器械工業殆似未留意也中國原不足畏而其可畏者蓋在其能整備器械以興各種事業耳世人往往有以華人為愛亂者是徒知成吉斯汗鐵木真等事蹟而以概諸現時之中人也中人豈好亂者哉苟中人好亂欲以西征歐洲而俄人實居其北邊為後顧之憂則中人豈得轉一步於西歐哉或曰華人移住歐美漸多而歐洲兵規不能制之亦未可知也是殆杞人之憂耳中人能為此非磨以歲月安能至此哉然歐人何為拱手於此間以任其所為自非俄國以中人為臣妾以助其虐歐洲必無憂矣雖中人西侵不足以為念也惟中人最可畏者其在商情乎中人本勤儉粗食散衣有百折不撓之氣則利用其勞工利用其積貲以造各種貨物賤廉其貨價向歐洲輸進此等之貨物夫復何疑意者亞人將來為我商務一大勁敵必如美洲之於歐洲也然則為歐洲產業家者宜勤勉從事

於製產而質主之與勞工能相親和無相抵牾是為切要可知異時必有此事矣日本近今文化雖疾足進步而其商務則猶遲遲矣中國近時有欲採歐洲工藝技術之意非復往昔之可比雖然中人本很顧慎重其躋文明之域頗緩抑歐洲日後之情形將見競強更劇及此天未陰雨宜收利於此富物饒利之國矣

論世變之亟

關名

嗚呼觀今日之世變蓋自秦以來未有若斯之亟也夫世之變也莫知其所由然強而名之曰運會運會既成雖聖人無所為力蓋聖人亦運會中之一物既為其中之一物謂能取運會而轉移之無是理也彼聖人者特知運會之所由趨而逆觀其流極唯知其所由趨故後天而奉天時唯逆觀其流極故先天而天不違於是裁成輔相而置天下於至安後之人從而觀其成功遂若聖人真能轉移運會也者而不知聖人之初無有事也即如今日中倭之構難究所由來夫豈一朝一夕之故也哉嘗謂中西事理其最不同而斷乎不可合者莫大於中人之好古而忽今西之人力今以勝古中之人以一治一亂一盛一衰為天行人事之自然西之人以日進無疆既盛不可復衰既治不可復亂為學術政化之極則蓋我中國聖人之意以為吾非不知宇宙之為盡藏而人心之靈苟日開淪焉其機巧智能可以馴致於不測也而吾獨置之而不以為務者蓋生民之道期於相安相養而已夫天地之物產有限而生民之嗜欲無窮學乳浸多錫鑊日廣此終不足之勢也物不足則必爭而爭者人道之大患也故宜以此足為教使各安於樸鄙頽頽耕鑿焉以事其上是故春秋大一統一統者平爭之大局也秦之銷兵焚書其作用蓋亦猶是降而至於宋以來之制科其防爭尤為深且遠取人人尊信之書使其反覆沈潛而其道常在若或若近有用無用之際題格為招矣而上智有不必得之憂下愚有或可得之慶於是舉天下之聖智豪傑至凡有思慮之倫吾順八紘之網以收之即或漏吞舟之魚而已暴露斷者頽然老矣尚何能為推波助瀾之事也哉嗟乎此真聖人牢籠天下平爭泯亂之至術而民智因之以日竄民力因之以日衰其究也至不能與外國爭一旦之命則聖人計慮之所不及者也雖然使至於今吾為吾治而跨海之汽舟不來縮地之飛車不至則神州之眾老死不與異族相往來富者常享其富貧者常安其貧明天澤之義則冠履之分嚴常柔讓之教則罵凌之氣泯偏灾雖繁有補苴之術荏苒雖夥有勸絕之方此縱難言郭治乎亦用相安而已而孰意患常出於所慮之外乃有何物泰西其人者蓋自高轡深目之倫雜處此結紲編髮之中則我四千年文物聲明已渙然有不終日之慮逮今日而始知其危何異齊桓公以見痛之日為受病之始也哉夫與華人言西治常苦於難言其真存彼我之見者弗察事實輒言中國為禮義之區而東西朔南凡吾王靈所弗屆者舉為大羊夷狄此一蔽也明識之士